

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Peter Haarers Beschreibung des Bauernkriegs 1525

Harer, Peter

Halle, 1881

Das 84. Cap

[urn:nbn:de:bsz:31-326211](#)

ung geben solten, derohalben S. Curfürstl. Gn. mit allem Kriegsvolk von Aschaffenburg gen Dieberg, vnd desz andern tags gen Oppenheim, Seiner Gn. zugehörigen Statt gezogen, derents man noch desselben tags mit allen Reystigen Zeugen vber Rhein geschift, aber das Fußvolk vnd Arckley blieben drüben in einem Dorff liegen, vnd kamen desz andern tags auch hernach. Nun hatte der Maynzisch Statthalter, mit meinem gnädigsten Herrn dem Pfalzgrafen verlassen, als sie zu Aschaffenburg voneinander gescheiden, er wolte gleich desz andern tags mit 300. Pferden zu Seiner Gn. gen Oppenheim kommen, vnd die Bawren auff dem Gav straffen helffen, derohalben man ein tag daselbst länger verharren thet.

Das 84. Cap.

Wie man kundtschafft vber den haussen Bawren angericht, vnd was dieselben gemutwilst haben.

Doch vnderließ der Pfalz Oberit Hauptman sampt den Verordneten Räthen nicht, jhre kundtschafft vber den haussen Bawren, so sich oben bey der Newstatt auff ein newes versamblet hatten, anzurichten, vnd zu sehen, wo dieselben legen, vnd wie es vmb sie beschaffen were. So kam [109] die kundtschafft, daß sie in eim Pfalzgräfischen Flecken auffm Gav Dalzheim genant, mit einem grossen haussen lägen, nit wol under 7. oder 8000. stark, waren ganz freudig, ließen sich hören, sie Wollten den Pfalzgrafen mit allen Zeugen, vnd wer ihnen bekäme, erschlagen, hatten das Spiel warlich wacker angefangen, dann sie im Land mit Mord, Brandt, Nam vnd Raube, den Fürsten, Grafen, Herrn vnd Ritterschafft, auch allen Geistlichen, ein unüberwindlichen schaden gethan, hatten sich obwendig der Newstatt, vom Gleburger, Meerlemer, Hilzbrucker, Wachenheimer vnd sonstigen andern haussen, vngesehn vmb die Pfünftzen von newem versamblet, herab gen Ogerzheim gezogen, daselbst Lambzheim vnd Freinzhelm, die Flecken ingenommen, am Mittwoch nach trinitatis, als sie zu Dürmstein an kommen, seind sie für meines

gnädigsten Herrn des Pfalzgrafen Schloß daselbst, darin Seiner Gn. Vogt zu Zell, sampt etlichen mehr Personen, zu Besatzung hinein verordnet waren, gelauffen, dasselbig außgefördert, da sie sich aber dessen weigerten, vnd als fromme getrewe Buderthanen zu halten gedachten, mit gewalt hinein gefallen, die 15. Männer, sampt dem Vogt, etlich darin erwürgt, vnd sie alle oben zum Fenstern heraus geworffen, das Hauß geplündert, vnd solches alsbald mit Juncker Wolffen von Alfenstein Schloßlein daselbst abgebrochen, aber des Bischoffs von Wormbs Hauß, so außwendig des Fleckens gelegen, Angestossen vnd Außgebrant, auch etliche Personen darin gefangen. Von dannen gen neuen Leyningen gezogen, dasselb auch erobert, das Schloß geplündert, vnd ein Ehrliche Gräfin von Westerberg, so ihr wesen daselbsten hat, gezwungen, daß sie den Ehrlosen Bößwichtern zu Tisch kochen vnd Dienen müssen, eines solchen stolzen hoffertigen gemüts wa-[110]ren die Abentheurer, folgends das Westerburgisch Schloß, als Leyningen dahinden gelegen, außgebrant, das Kloster Hainingen allernechst darbey, geplündert, fürters an den Durftberg gerückt, etliche Schlößer daran ingenommen, desgleichen den Nassawischen Flecken Kirchheim in ihr Hand bracht, die Schlößer Polanden vnd Staußen außgebrant, darnach herfür außs Gau gezogen, vnd haben in jhrem kurz volbrachtem Zug, viel grosses hochmuts vnd Frevels getrieben, ließen sich bedunkeln, sie weren schon Meister im Land vnd hetten den Sieg in Händen.

Das 85. Cap.

Wie sich der Pfalzgraf gegen diesen Bavren
geschickt.

DA nun mein gnädigster Herr Pfalzgraf der versambleten ungehorsamen Bavren gelegenheit guten bericht vernommen, thets jhm nit wenig anliegen, vnd nit unbillich, daß das mehrentheils Seiner Gn. eigen gelobter vnd geschworner Leuth, die er bißhero so gnädiglich gemeint, vnd so fürsichtiglich Regiert vnd beschirmt hat, also schandlich, gewlich vnd Ehrvergeßlich gegen jhme ver-